

L'INTERPRETE
DES
ESCRITS DV TEMPS,
TANT EN PROSES
QV'EN RIMES; ET
SON SENTIMENT
Burlesque sur iceux.



A PARIS,
M. DC. XLIX.
Avec Permission.

INTERPRET

CesE

F

39

D

ESCRITS D'ALFONSE

2326

1649m

TANT EN ROSE

OVEN RIMES

SEN SENTIMENT

Butcher for 100x

THE NEWBERRY
LIBRARY

M. D. C. XLII

square fronting



L'INTERPRETE DES ESCRITS

du temps, tant en Proses qu'en Rimes;

Et son sentiment Burlesque sur iceux.



ALLANIDS esprits qui voulez rire,
 Deuinez ce que ie veux dire,
 Car moy-mesme ie n'en sçay rien,
 Et si pourtant ie voudrois bien
 Debiter force belles choses
 Qui ne sont des Métamorphoses,
 Ny des maximes de l'Estat
 Dont tous les sçauans font estat.
 Ie ne sçay point la Politique;
 Quoy que le Courtaut de boutique,
 Des Escoliers, des Aduocats,
 Qui n'ont iamais veu quatre sacs,
 S'ils ne chantent les petits freres,
 Ne parlent point d'autres matieres.
 L'on ne sçauroit marcher trois pas
 Dans le Palais, icy, là-bas,
 Au Pont-neuf, au Cheual de bronze,
 Que de douze n'en trouuiez vnze,
 Qui diront que Machiauell
 A fait vn Livre bien cruel;
 Que les maximes de Florence
 Sont bien contraires à la France;
 Que Iules, ce beau Cardinal,
 Est seul auteur de tout le mal;
 Mesme que nostre bonne Reyne,
 Qui le supporte, & qui lo traîne,
 De tous costez, où elle va,
 A grand tort, mais tort elle n'a;

Nous ferions semblable grimace
 Si nous estions mis à sa place :
 Car six testes dans vn bonnet,
 Qui vous diront tout plat & net,
 Qu'il est bien le plus honneste homme
 Qui soit iamais venu de Rome,
 Sur la playe ont mis l'appareil
 Contre les aduis du Conseil.
 On a beau chanter le contraire,
 On y gagne autant qu'à se taire.
 Il ne faloit point tant d'esclits
 Pour persuader aux esprits,
 Qu'il n'y a eu que la Regence
 Qui si bien a tourné la chance,
 Que son deuancier Cardinal,
 Qui n'estoit Asno ny Cheual,
 N'auoit si tost trouué les Mines
 D'or & d'argent, de pierres fines,
 Comme ce bon Sicilien
 Qui prend tout, & ne donne rien.
 Et c'est là, si ie ne m'abuse,
 Le plus grand mal, dont on l'accuse :
 Toutefois les transports d'argent
 Ont rendu le Peuple indigent.
 Le pecular est vn grand crime,
 Du moins comme chacun l'estime,
 Et si l'on tient pour assuré,
 Que s'il fût long-temps demeuré
 Le premier Ministre de France,
 L'Estat alloit en decadance,
 Il eût fait comme feu Bullion,
 Qui fit des Edicts vn million
 Pour fauoriser la Maltôte.
 S'il est aux Enfers, Dieu l'en oste :
 Mais s'il n'estoit aux Cordeliers,
 Il en auroit fait des milliers.
 Ainsi nostre homme de Sicile
 Ne s'est pas montré moins habile

Epitaphe.

Are-

A receuoir tous les aduis;
 Qui d'Edicts ont esté suiuis.
 Il y a bien trouué son compte.
 Le visage qui se démonte
 Ne l'a point tant mal secondé:
 Mais sans le Prince de Condé,
 Depuis trois mois la populace
 Leur auroit chié sur la face;
 Si l'on les eût tenus icy,
 Le crime qui plus l'a noircy
 Et dont ie ne me scaurois taire;
 C'est, suiuant le propos vulgaire,
 D'auoir escrit à Leopol,
 (Non vne Epistre de saint Paul)
 Mais cette miserable lettre
 Où il luy permettoit de mettre
 Tout Paris à feu & à sang,
 Sans considerer l'innocent,
 Apres auoir fait Paix honteuse
 Avec cette race orgueilleuse.
 Il vend Paris à beaux deniers.
 Et n'y demeure des derniers.
 Aux Soldats promet le pillage,
 Et iusqu'à mon petit bagage,
 Mon chien, mon chat, mes rossignols,
 Tout est promis aux Espagnols:
 Et pour ces infames Croates,
 Tous mes torchons & mes sauates,
 Ma malle & tous mes manuscrits
 Dont la bonté n'a point de prix.
 Ha! ie ne m'y pourrois resoudre;
 Faudroit qu'il n'y eût plomb ny poudre,
 Ny d'armes à mon ratelier,
 Non mesme chez le Clinquallier,
 Si ie ne marchois en campagne
 Contre ces rodomons d'Espagne,
 Ioyeuse, ou flamberge à la main,
 Pour leur oster le goust du pain.

En fin tous ces maux, le sieur Iules
 Nous promet, non pas par cedules,
 Mais par vn complot medité,
 Qui depuis peu s'est esuenté.
 L'on dit tout haut, que c'est merucilles
 Qu'il soit venu à nos aureilles,
 Comme si Mars, par compromis,
 N'estoit pas de nos bons amis.
 C'est luy qui iour & nuict chemine,
 Amenant pain, bleds & farine
 Pour guerir le peuple allarmé
 De ce mauuais mal d'affamé
 Dont l'on menaçoit nostre teste
 Dans le plus fort de la tempeste
 Incontinent apres les Rois,
 Y a trente iours & deux mois:
 Mais grace à luy, pour cette ville,
 Vostre blocus est inutile,
 Nous auons pris des lauemens
 Qui feront les débouchemens,
 Quand de trois mois nostre Milice
 Ne feroit rien que l'exercice.
 Vous auez beau soir & matin
 Faire chanter à saint Germain:

~~~~~ Cette caballe est peu habile,  
 D'auoir choisi l'Hostel de Ville  
 Pour conferer de leurs exploits;  
*Chanson.* Leur esprit qui tousiours s'esleue,  
 Ne deuoit pas auoir fait choix  
 D'un lieu si proche de la Greue.

~~~~~ Toubeau, n'en riez pas si tost,  
 Car on répond en peu de mots:

~~~~~ Si les Conty & Longueville  
 Ont fait choix de l'Hostel de Ville,  
 N'ont-ils pas fait bien prudemment?

*Responce.* Dedans la Greue, sans descendre,  
 Ils pourroient voir commodément

~~~~~ Le Mazatin qu'on y doit pendre.


Ainsi à beau jeu, beau retour,
 Je voudrois bien que quelque iour
 Vous vinssiez voir nos barricades
 Quand vous faites vos promenades,
 Huiſt cens petits liures nouueaux,
 Qu'on appelle Brides à veaux,
 Marcheroient, ainsi que ie pense,
 Au deuant de vostre Eminence;
 Peut-estre les a-t'elle veus:
 Pour moy, apres les auoir leus,
 Je les nomme des amusettes
 Et des tire-fols des pochettes:
 Car interpretant sainement
 Le fort de leur raisonnement,
 (Oſtez les mots qui vous accusent)
 Ce ſont des fols qui s'y amusent.
 Et le graue, & le ſerieux,
 Et le folastre, & le ioyeux,
 Proſes, Vers & rimes Burlesques;
 La pluspart œuures Pedantesques:
 En fin de ces petits discours
 Qui dans Paris ont tant de cours,
 Soit des Aduis, ſoit Remonſtrances
 Sur la perte de nos Finances,
 Ou bouleuerſement d'Eſtat,
 Qu'on dit qui va choir tout à plat
 Si ne ſortez du Miniſtere,
 L'en torcherois mon beau derriere,
 Veu le nombre qu'on en a fait,
 Et qui n'ont point produit d'effet.
 Chacun s'eſcrime du Burlesque,
 Comme vn Bourgeois du Soldatesque,
 Et iusques au Courrier François,
 Qui parle en rime cette fois;
 Et ie croy bien que ma ſeruante
 Y va deuenir fort ſçauante:
 Car i'eſtime que deſormais,
 Cuiſine, viſtancilles & mets

S'en vont se debiter en rime,
 Puis que l'on en fait tant d'estime.
 Mais n'en déplaist à ces Messieurs,
 Qui de tout sont si bons railleurs,
 S'ils ne font mentir le Prouerbe
 Ainsi qu'a fait Monsieur Malherbe,
 Quand de leurs Vers on sera sous,
 On les appellera des fous,
 Ne voyant que de la folie
 Dans leurs œures de raillerie.
 Il est vray qu'un facétieux
 Traiteroit mal le serieux:
 Excusons donc leur ignorance
 Et retournons à l'Eminence.
 Le Comte de Pignoranda,
 Monté dessus son grand Dada,
 Luy a fait sçauoir que son Maistre
 Ne le vouloit pas reconnoistre,
 Ny luy prester aucun secours
 Pour venir abreger nos iours;
 Que le bon Dieu l'en recompense:
 Mais, nostre Dame, quand i'y pense,
 Puis que la Paix ne se fait pas,
 Non plus icy qu'au Pais-bas,
 Que deuiendra ce pauvre riche?
 Si dans vn trou il ne se niche,
 Où l'on ne le puisse trouver,
 Iamais ne se pourra sauuer,
 Si dessus luy on met la patte,
 Sa pompe ny son escarlatte,
 Sans mentir n'empescheront pas
 Qu'on ne l'enuoye aux Pais-bas,
 Apres l'auoir fait cul de jatte,
 Manchot, courraur, comme on s'en jacte,
 Voire, peut-estre, encore pis.
 C'est ce qu'ont produit les escrits
 Dont ie suis fidele interprete;
 Si quelqu'un fait mieux, qu'il s'y mette.

E I N.